

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱՇԻՆՈՒԹՅԱՆ ԿՈՄԻՏԵ  
Ն Ա Խ Ա Գ Ա Հ

Հ Ր Ա Մ Ա Ն

« 9 » անդրադարձված 2024 թ.

N 74-Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱՇԻՆՈՒԹՅԱՆ ԿՈՄԻՏԵԻ ՆԱԽԱԳԱՀԻ  
2019 ԹՎԱԿԱՆԻ ՄԱՐՏԻ 4-Ի N 23-Ա ԵՎ 2023 ԹՎԱԿԱՆԻ ԴԵԿՏԵՄԲԵՐԻ 18-Ի N 82-Ա  
ՀՐԱՄԱՆՆԵՐՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՅՈՒՄՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ հոդվածի  
պահանջներով և հիմք ընդունելով Հայաստանի Հանրապետության վարչապետի 2018  
թվականի հունիսի 11-ի N 748-Լ որոշման հավելվածի 16-րդ կետի 2-րդ ենթակետը

Հ Ր Ա Մ Ա Յ ՈՒ Մ Ե Մ

1. Հայաստանի Հանրապետության քաղաքաշինության կոմիտեի նախագահի  
2019 թվականի մարտի 4-ի «ՀՀ քաղաքաշինության կոմիտեի լիցենզավորող  
հանձնաժողովի կանոնադրությունը և կազմը հաստատելու, Հայաստանի  
Հանրապետության քաղաքաշինության կոմիտեի նախագահի 2018 թվականի հունիսի 28-  
ի N 80-Լ հրամանն ուժը կորցրած ճանաչելու մասին» N 23-Ա հրամանի N 1 հավելվածում՝

1) 3.4. ենթակետը շարադրել հետևյալ խմբագրությամբ.

«Հանձնաժողովի նիստերն իրավազոր են, եթե դրանց մասնակցում է Հանձնաժողովի  
անդամների թվի կեսից ավելին: Որոշումներն ընդունվում են հանձնաժողովի անդամների  
ծայների պարզ մեծամասնությամբ: Ձայների հավասարության դեպքում որոշումը  
համարվում է ընդունված հոգուտ հայտատուի:»:

2) 3.5. ենթակետը շարադրել հետևյալ խմբագրությամբ.

«Հանձնաժողովի նիստերն իրականացվում են դռնբաց և (կամ) էլեկտրոնային եղանակով՝  
էլեկտրոնային կառավարման համակարգի միջոցով (այսուհետ է-համակարգ):»:

3) 3.13. ենթակետում «հայտատուին» բառից հետո լրացնել «է-համակարգի միջոցով:»:

4) 3.15. ենթակետի «գ» մասում «լիցենզավորման վարչության» բառերը փոխարինել «մասնագետների և Հանձնաժողովի անդամների» բառերով:

5) Լրացնել հետևյալ բովանդակությամբ 4-րդ կետով.

#### **« 4. ԳՈՐԾԵՐԻ ՔՆՆՈՒԹՅԱՆ ԸՆԹԱՑԱԿԱՐԳՐ**

4.1. Հանձնաժողովը օրակարգում ընդգրկված հարցերը քննում է օրինականության, կողմերի իրավահավասարության, համաչափության սկզբունքների հիման վրա՝ ապահովելով փաստական հանգամանքների բազմակողմանի, լրիվ և օբյեկտիվ քննարկումը.

4.2. Հանձնաժողովի անդամները պարտավոր են պահպանել հայտի քննության ընթացքում իրենց հայտնի դարձած օրենքով գաղտնի համարվող տեղեկությունները: Հանձնաժողովի անդամները պարտավոր են պահպանել նաև հայտի քննության ընթացքում իրենց հայտնի դարձած այլ տեղեկությունների, ինչպես նաև փաստաթղթերի բովանդակության գաղտնիությունը՝ մինչև համապատասխան որոշման հրապարակումը.

4.3. Օրակարգում ընդգրկվող հարցերը նախօրոք ուսումնասիրվում են Կոմիտեի մասնագետների, ինչպես նաև Հանձնաժողովի անդամների կողմից և տրվում են կարծիքներ.

4.4. Օրակարգում ընդգրկված հարցերը քննվում են լիցենզավորվող անձի կողմից ներկայացված հայտերի, ինչպես նաև Կոմիտեի մասնագետների և Հանձնաժողովի անդամների կողմից տրված կարծիքների հիման վրա.

4.5. Լիցենզավորման համար անհրաժեշտ փաստաթղթերը լիցենզավորող մարմին են ներկայացվում է-համակարգի միջոցով կամ առձեռն կամ փոստով.

4.6. Լիցենզիա ստանալու համար անհրաժեշտ փաստաթղթերը լիցենզավորող մարմին մուտք լինելուց հետո այն տրամադրվում է համապատասխան ստորաբաժանմանը՝ գործին համապատասխան ընթացք տալու նպատակով.

4.7. Հայտերի քննության արդյունքում Հանձնաժողովն ընդունում է հետևյալ որոշումներից մեկը.

1) մերժել հայտը,

2) բավարարել հայտը.

4.8. Հանձնաժողովի նիստի արձանագրության հիման վրա համապատասխան ստորաբաժանման կողմից էլեկտրոնային համակարգի միջոցով կազմվում է Կոմիտեի նախագահի որոշման նախագիծը և սահմանված կարգով ներկայացվում է հաստատման.

4.9. Հայտի բավարարման դեպքում հայտատուին է-համակարգի միջոցով ծանուցվում է հնգօրյա ժամկետում օրենքով սահմանված պետական տուրքը վճարելու մասին.

4.10. Հայտատուի կողմից պետական տուրքը վճարելուց հետո է-համակարգի միջոցով մեկ աշխատանքային օրվա ընթացքում համապատասխան ստորաբաժանման կողմից հայտատուին է հանձնվում Կոմիտեի նախագահի հրամանը և լիցենզիան (և ներդիրը):»:

2. Հայաստանի Հանրապետության քաղաքաշինության կոմիտեի նախագահի 2023 թվականի դեկտեմբերի 18-ի «Որակավորման հանձնաժողովի անհատական կազմը, աշխատակարգը, անդամների ընտրության և գործերի քննության կարգը, շահերի բախման առկայության կամ բացակայության վերաբերյալ հայտարարագրի ձևը հաստատելու


մասին» N 82-Ա հրամանով հաստատված N 1 հավելվածի 27-րդ կետը շարադրել հետևյալ խմբագրությամբ.

«Օրակարգում ընդգրկվող հարցերը նախօրոք ուսումնասիրվում են Կոմիտեի մասնագետների, ինչպես նաև հանձնաժողովի անդամների կողմից և տրվում են կարծիքներ: Օրակարգում ընդգրկված հարցերը քննվում են թեստավորվող կամ հավաստագրվող մասնագետների կողմից ներկայացված հայտերի, հայտերին կից փաստաթղթերի, Կոմիտեի մասնագետների և հանձնաժողովի անդամների կողմից տրված կարծիքների հիման վրա:»:

3. Սույն հրամանն ուժի մեջ է մտնում այն ընդունելու մասին հրամանում նշված անձանց իրազեկելու օրվան հաջորդող օրվանից:

9/9/2024

X



Signed by: VARDANYAN YEGHIAZAR 2614790133

Եղիազար ՎԱՐԴԱՆՅԱՆ